

**■ NOVITADS WWW.RTR.CH**

## Duai la Confederaziun surprender la surdada da stipendis u betg?

**L'iniziativa davart stipendis pretenda che la confederaziun duaja surdar en l'avegnir ils stipendis e betg pli ils chantuns.**

### **Argumentes dals aderents**

Il sistem da stipendis actual n'è betg fair e betg sufficient. Mintga chantun surdat stipendis tenor auters criteris.

Stipendis èn impurtants per reagir sin la mancanza da forzas da lavur specialisadas. Surtut students da studis cumplains per exempel en il sector da sanadad u inschigneria èn dependents da stipendis per insumma pudair far la scolaziun.

La cuntraproposta indirecta na schlia nagins problems. Il concordat da stipendis na sforza betg mintga chantun da sa participar e prescriba be principis e naginas reglas liantas davart la surdada da stipendis.

### **Argumentes dals adversaris**

La centralisaziun tar la confederaziun n'è betg necessaria. Ils chantuns enconoschan lur students e san meglier tge che quels dovan.

L'armonisaziun tras il concordat da stipendis vegniss retardada. Tar in gea a l'iniziativa na vegnissan las adattaziuns en las leschas da stipendis dals chantuns che fan part dal concordat betg proseguidas e l'armonisaziun vegniss retardada per onns enfin ch'ina nova lescha federala entrass en vigor.

Ils custs supplementars stuessan vegnir cumpensads. L'augment dals stipendis che l'iniziativa pretenda manass a custs supplementars dad enfin 500 milliuns francs che stuessan vegnir spargnads en auters lieus en il sector da la furmaziun.

### **Recumandaziuns dal parlament**

Il cussegl federal ed il parlament recumondan da refusar l'iniziativa dal pievel.

Il cussegl naziunal ha refusà l'iniziativa cun 135 vuschs cunter 58 vuschs e duas abstenziuns.

Il cussegl dals chantuns l'ha refusada cun 32 vuschs cunter 12 vuschs ed ina abstenziun.

### **Parolas da las partidas**

Gea: ps, Verds

Na: pbd, pcd, pps, pld, Verd-liberals